

- ◆ 責任編輯 伊廣謙
- ◆ 題 字 陳木香
- ◆ 封面設計 陳 娟

流落海外，深藏秘閣，

常人豈可輕窺；

回歸故土，影印存真，

堪稱醫林盛事。

宋元精槧，明清稀覯。

精裝二十四冊，

蒼粹善本中醫古籍數十種。

麻黃

去四節

大黃

去四節

甘草

炙

ISBN 7-80174-361-X



9 787801 743619 >

ISBN 7-80174-361-X/R·360

本冊 (2 ~ 8) 定價：1386.00 圓

總定價 (共 24 冊)：4752.00 圓

主編 曹洪欣  
副主編 鄭金生 柳長華  
顧問 馬繼興 真柳誠(日) 黃龍祥  
編委 萬芳 王咪咪 蕭永芝

# 海外回歸中醫古籍善本集粹(8)

中醫古籍出版社



責任編輯 伊廣謙

### 图书在版编目 (CIP) 数据

海外回归中医古籍善本集粹 / 曹洪欣编. - 北京: 中医古籍出版社,  
2005.11

ISBN 7-80174-361-X

I. 海… II. 曹… III. 中医典籍-选集 IV. R2-52

中国版本图书馆 CIP 数据核字 (2005) 第 116845 号

海外回歸中醫古籍善本集粹 (2~8)

太平聖惠方

出版 中醫古籍出版社出版發行

(北京東直門內南小街 16 號 100700)

發行 全國各地新華書店經銷

印刷 北京市北中印刷廠印刷

開本 787×1092 毫米 1/16

印張 451.875 (2~8 冊)

版次 2005 年 11 月第一版

印次 2005 年 11 月第一次印刷

印數 001~300

書號 ISBN 7-80174-361-X / R·360

本書 (2~8 冊) 定價 1386.00 圓

總定價 (共 24 冊) 4752.00 圓

子  
目

太  
平  
聖  
惠  
方

海外回歸中醫古籍善本集粹

# 太平聖惠方 (七)

宋·王懷隱等

本書據日本國獨立行政法人  
國立公文書館藏本影印

聖德太子

卷九十一之二



五	四	八	一	漢
册	架	函	二	書
			三	門
			三	
			號	
			類	

三	文	關	內
五			漢
函			書
九	五	一	
架	册	號	類

12233  
51 47  
305 49





太平聖惠方卷第九十一 凡三十八門 病源三十七道 方共計三百四十三道

治小兒疥諸方 二十三道 治小兒癬諸方 二十八道

治小兒疔瘡諸方 八道 治小兒白禿瘡諸方 二十五道

治小兒風癢癩脉諸方 二十道 治小兒一切丹諸方 二十二道

治小兒五色丹諸方 七道 治小兒白丹諸方 八道

治小兒赤丹諸方 六道 治小兒黑丹諸方 六道

治小兒天火丹諸方 七道 治小兒殃火丹諸方 三道

治小兒神火丹諸方 三道 治小兒鬼火丹諸方 二道

治小兒野火丹諸方 三道 治小兒家火丹諸方 一道

治小兒螢火丹諸方 三道 治小兒宋田火丹諸方 三道

治小兒天竈火丹諸方 六道 治小兒癢火丹諸方 四道

治小兒尿竈火丹諸方 三道 治小兒赤遊腫諸方 七道

治小兒赤流諸方 十八道 治小兒赤處諸方 十道



治小兒燥<sup>標音</sup>瘡諸方<sup>五道</sup> 治小兒漆瘡諸方<sup>二十一道</sup>

治小兒魚臍瘡諸方<sup>七道</sup> 治小兒王<sup>旺音</sup>爛瘡諸方<sup>九道</sup>

治小兒浸淫瘡諸方<sup>七道</sup> 治小兒蠹<sup>蝮</sup>繞腰腹成瘡諸方<sup>二十道</sup>

治小兒疣目諸方<sup>二十道</sup> 治小兒夏月沸瘡諸方<sup>五道</sup>

治小兒湯火瘡諸方<sup>二十二道</sup> 治小兒凍爛瘡諸方<sup>三道</sup>

治小兒諸蟲咬諸方<sup>二十八道</sup> 治小兒伐指諸方<sup>六道</sup>

治小兒手足輝裂諸方<sup>五道</sup> 治小兒脚<sup>音</sup>疥諸方<sup>三道</sup>

治小兒疥諸方

夫小兒疥多生於手足指間染漸生於身體瘙痒有膿血汁出案九蟲論云蟻蟲多所變化亦變作疥其瘡裏有細蟲亦甚難見小兒多因乳養之人病疥而染著小兒也

治小兒疥瘙痒搔之成瘡膿血不止宜用雄黃膏方

- 雄黃<sup>一兩</sup> 雌黃<sup>二兩</sup> 烏頭<sup>一枚</sup> 松脂<sup>一分</sup> 亂髮<sup>一分</sup>
- 細研 細研 皮去

右件藥除雄黃雌黃外以鍊成猪脂一斤於鑪中煎下烏頭松脂亂髮等候烏頭色黑亂髮消盡膏成綿濾去滓入雄黃雌黃攪令勻盛於不津器中候冷塗瘡上日三用之

治小兒疥癢不止地牀子散方

地牀子分 吳茱萸分 膩粉錢 硫黃一分 蕪荑分

右件藥搗細羅為散入硫黃研勻用油一合葱一莖切入油內煎葱黃黑色去葱候油冷調散塗之

治小兒疥徧身皆有痛痒不止黃連散方

黃連二兩 胡粉二兩 吳茱萸兩 赤小豆二百粒 水銀二兩 與胡粉點

右件藥除胡粉水銀外搗羅為末胡粉水銀同研令勻以臘月猪脂和塗之亦治癩瘡

治小兒疥及身上熱瘡並治之黃蘗散方

黃蘗二兩

黃連二兩

赤小豆二兩

臭黃 一兩

水銀 半兩

硫黃 一分  
與水銀結為砂子

右件藥搗羅為末與臭黃汞銀砂子同研令細用生油調日三塗之

治小兒胎中受風長後或身體生疥癩痒不止臭黃膏方

臭黃 一分

硫黃 一分

葱白 一莖  
細切

右件藥研令細用清油一兩入鍋子內熬令熟下少許蠟及葱

白次下硫黃臭黃攪令勻膏成以瓷合中盛旋旋塗之

治小兒疥及諸般瘡洗浴苦參湯方

苦參 半兩

丹參 半兩

苦棟根 兩

防風 兩  
去頭

蒟蒻根 兩

右件藥細剉和勻以水一斗煎至五升濾去滓於密室中洗浴兒

以故帛拭乾即塗前膏

治小兒疥痒不止方

硫黃 二兩

白礬灰 四兩

右件藥細研為散以烏麻油調如稀麵糊炙疥令熱薄塗摩之

治小兒疥痒痛不可忍方

消石兩

右細研以生油調如膏每用時先以泔清洗之拭乾塗之

又方 右取羊蹄草根搗末以猪脂和塗之

又方 右用硫黃細研以醋調塗之

又方 右用竹葉燒灰細研以鷄子白和塗之

又方 右取亂髮燒灰細研以猪脂和塗之

又方 右搗地牀子末以猪脂和塗之

治小兒癬諸方

夫小兒癬者由風邪與血氣相搏於皮膚之間不散變生癢疥上如粟大作暈或斜或圓侵淫長大痒痛搔之有汁名之爲癬小兒面上生癬皮如甲錯起乾燥謂之乳癬言兒飲乳乳汁漬汚兒面變乃生之以乳汁洗之便差也

治小兒癬痒痛不止白礬膏方

白礬灰錢一 硫黃錢二 臙粉錢一 綠礬錢半 川大黃一分

右件藥同研為末以米醋一升熬如黑錫收於瓷器中旋取塗之

治小兒濕癬附子散方

附子半兩 去皮 雄黃一分 細研 白礬一分 吳茱萸半分 米粉半分

右件藥搗細為散每日三度以綿搵搽

治小兒癬久不差雄黃膏方

雄黃細研 多年薤根 白礬 藜蘆去蘆頭

瓜蒂 胡粉各一分 水銀三分 與胡粉點少 水同研令星子盡

右件藥搗羅為末入胡粉水銀同研令勻用猪脂調為膏輕搗塗之

治小兒癬不計乾濕瘙痒不絕雌黃膏方

雌黃半兩 細研 黃連半兩 去鬚 蛇牀子半兩 黃蘗半兩 剉

蕪荑兩半 藜蘆半兩 去蘆頭 消石兩半 莽草兩半

苦參兩半 剉 松脂三兩 杏仁一兩 湯浸去皮別研如膏

右件藥搗細羅為散以臘月猪脂半斤和松脂煎令鎔先下杏  
人次下諸藥攪令勻煎成膏收於不津器中用時先以甘清淨  
洗瘡拭乾塗於故帛上貼日二換之

又方

羊蹄根 一兩

乾筍 一兩  
燒灰

右件藥搗羅為末以麻油調塗之

治小兒久癬方

獨苗根 一去土把

附子 二枚去皮  
臍生用

右件藥搗令爛以好酒和塗之每塗藥時先以皂莢湯淨洗拭

乾後用藥日二塗之

治小兒乾癬方

水銀 兩半  
胡粉 兩

右件藥點少水同研令星盡以鷄冠血和塗之

治小兒乾濕癬方

雄黃 分一  
麝香 錢一  
右件藥細研用甲煎油調塗之

又方 右取乾蟾燒灰細研以猪脂和塗之

治小兒癬久不差方

黃礬燒灰

右細研每用先以水淨洗拭乾塗之

又方 右取桃樹青皮炙黃搗羅爲末以醋和塗之

又方 右以薤根搗醋和塗之

又方 右以醬瓣雀糞相和研塗之

又方 右取羊蹄草根爛搗以蜜和絞取汁先指破塗之

又方 右以楮樹白汁塗之

又方 右以狗糞燒灰細研以猪脂和塗之

又方 右煎馬屎溫溫洗之

又方 右取亂髮燒灰細研以猪脂和塗之

治小兒癩瘡諸方

夫小兒癩瘡者由風濕搏於血氣所成多著手足節腕間匝匝然

搔之痒痛浸淫呼之為痛以其瘡有細蟲如痛蟲故也

治小兒癩瘡及濕癬蛇牀子散方

蛇牀子分 附子分 雄黃一分 吳茱萸分 白礬分 苦參分

右件藥搗細羅為散傳蒼君三用之

治小兒癩瘡痒痛螺散散方

螺殼一兩 亂髮半兩 龍膽末兩 胡粉兩

右件藥細研為散以油脚調塗

治小兒癩瘡及疥癬惡瘡水銀膏方

水銀二兩 白礬二兩 蛇牀子二兩 黃連一兩

右件藥除水銀外搗羅為末以臘月猪脂七兩入水銀和研

以不見水銀膏成傳瘡神効

治小兒濕癩瘡方

胡鷲窠一枚 取大寬抱子處餘處不用



右擣細羅爲散每便時先以米煎甘草入鹽少許作湯溫溫淨洗瘡  
拭乾以散傅之三兩上便差若患惡刺以醋和用帛裹之日二易當愈

治小兒癩瘡及疥癬方

苦參

三兩

右件藥擣羅爲末以蜜和塗之

治小兒乾癩濕癩疥癬方

右取棟根皮葱白擣如膏以猪脂和塗之

治小兒久癩瘡及疥瘡內黃水汁出方

右取羊蹄草根爛擣以白蜜相和絞取汁塗之

治小兒癩瘡方

右取桃葉爛擣以醋和傅之

治小兒白禿瘡諸方

夫小兒白禿瘡者由頭上白點斑剝初似癬而上有白皮屑久則  
生痂成瘡遂至偏頭洗刮徐其痂頭皮有瘡孔如筋頭大裏有膿